



XURADO PROVINCIAL DE CLASIFICACION DE MONTES VECIÑAIS

Benito Corbal, 47 - 4.º

Teléfono 84 60 26 - Fax 85 23 27

36071 PONTEVEDRA

O Xurado Provincial de Clasificación de Montes Veciñais de Pontevedra, dictou a seguinte **RESOLUCION**:

ASISTENTES

PRESIDENTE

D. José Luis Díez Yáñez.
(Delegado Provincial da Consellería de Medio Ambiente).

VOCALIS

D. Luis Mª Muíños Vidueira.
(Letrado da Asesoría Xurídica da Xunta).
Dña. Isabel Catoira Lamela.
(Avogado polo Colexio da provincia).
D. Teodoro Arribas Serrano
(Xefe do Servicio de Montes e Industrias Forestais).

VOCALIS REPRESENTANTES DA PARROQUIA DE RIBADETEA DO CONCELLO DE PONTEAREAS.

D. Teodoro Otero Pérez.
D. Benigno Sobral Domínguez.

SECRETARIA

Dª. Mª José León Gómez.
(Xefe do Servicio Técnico-Xurídico da Delegación de Medio Ambiente).

Na cidade de Pontevedra, sendo as dezasete horas do día trinta de maio do 2001, coa asistencia das persoas á marxe reseñadas, reúnese na 3ª planta do edificio sito no nº 47 da rúa Benito Corbal o Xurado Provincial de Clasificación de Montes Veciñais en Man Común ó obxecto de decidir sobre a clasificación dos montes "Barxela e Lomba do Cruceiro" da parroquia de Ribadetea do concello de Ponteareas.

ANTECEDENTES DE FEITO

PRIMEIRO.- Por D. Teodoro Otero Pérez, na cualidade de Presidente da Comunidade veciñal de Ribadetea do concello de Ponteareas, solicitouse en data 10/04/96, a iniciación dos trámites para a clasificación como veciñais en man común dos montes Barxela e Lomba do Cruceiro da parroquia de Ribadetea do concello de Ponteareas.

SEGUNDO.- O Xurado Provincial de Clasificación de Montes Veciñais na súa reunión de data 18/11/96 acordou iniciar os trámites para a clasificación dos referidos montes,

así como a remisión do expediente ó Servicio de Montes e Industrias Forestais da entón Delegación Provincial de Agricultura, Gandería e Montes de Pontevedra para o seu estudo e informe, nomeándose Instructor do expediente a D. José Juan Barreiro Prado.

TERCEIRO.- Cumprida e observada a tramitación legal e regulamentariamente esixida, procedeuse á apertura do trámite de audiencia, non formulándose oposición á clasificación solicitada.

CUARTO.- Por acordo do Xurado na reunión celebrada en data 29/11/00, e como consecuencia da Sentencia do Tribunal Constitucional no recurso de inconstitucionalidade nº 175/90, noméase Instructor do expediente a D. José Luis Díez Yáñez.

QUINTO.- Polo que afecta ás parcelas das que se solicita a súa clasificación, obedecen á seguinte descripción:

NOME DO MONTE: Barxela.

CABIDA: 6,5 Has. aproximadamente.

LINDES:

NORTE: Propiedades particulares de Leandina Otero Toucedo, José Fernández Domínguez, Ramón Fernández Alvarez, Algira Lage Carracedo, María Represas Canesa, Manuel Lemos Represas, Manuel Graña Francisco e María Represas Canesa.

SUR: Propiedades particulares de Consuelo Amil Lorenzo e José Santos Ucha.

LESTE: Propiedades particulares de Joaquín Ucha Nogueira, Victoria Castelo Otero, Eusebio Veiga Garrido, Celia Alvarez Troncoso, José Fernández Domínguez, Purificación Domínguez Portas, Albino Otero Portas, Gregorio Domínguez Portas, Guillermo Rema Grandal, Benito Andrés Ucha, Manuel Ucha Ocampo, Celia Fernández Lorenzo, M^a Victoria Rodríguez Alvariño, Salvador Fernández troncoso, Marcelino Domínguez Rivas e Sara Amil Lorenzo.

OESTE: Propiedades particulares de Estrella Lemos Ucha, Francisco Areal Estévez, Artenio Lage Carracedo, Claudino Fontánz Toucedo, Sara Amil Lorenzo, Antonio Toucedo Cerdeira, Manuel Ucha Domínguez, Teodoro Otero Pérez, Algira Lage Carracedo, Nieves Piñeiro Iglesias, Carmen Lage Fernández e Pista a Gelas.

NOME DO MONTE: Lomba do Cruceiro.

CABIDA: 1 Ha. aproximadamente.

LINDES:

NORTE: Cerámica de Ponteareas, S.L. e propiedade particular de Eugenio Alejandro Mayo.

SUR: Estrada e Lomba de Ares.

LESTE: Propiedade particular de Salvador Fernández, Pista e zona residencial A Freixa, Estrada de Ponteareas a Pazos de Borbén.

OESTE: Parque de maquinaria da Deputación Provincial.

FUNDAMENTOS DE DEREITO

1.- O Xurado Provincial de Clasificación de Montes Veciñais en Man Común ten a competencia para coñecer os expedientes de clasificación dos montes que teñan tal carácter a tenor do establecido no artigo 9 da Lei 13/1989, do 10 de outubro, de montes veciñais en man común.

2.- Trátase de dúas parcelas ben delimitadas, a primeira delas “Barxela” inclúe un campo de fútbol sendo o resto piñeiral aberto con distintas clases de idade; e a segunda, “Lomba do Cruceiro”, atópase atravesada pola estrada de Pontearreas – Pazos de Borbén y está rodeada de fábricas, naves e pistas, non tendo vexetación arbórea algunha. Resultando se-lo sobranse do monte que no seu día foi cedido para camping e construción da urbanización “A Freixa” e para fins industriais, según consta na resolución deste Xurado Provincial de data 05/12/79, facendo constar que segundo o informe obrante no expediente os vecinos declaran vir aproveitando ditas parcelas desde tempo inmemorial consuetudinariamente en réxime de comunidade.

3.- De conformidade co establecido no artigo 1 da Lei 13/1989, do 10 de outubro, de montes veciñais en man común, así como no artigo 1 do Decreto 260/1992, do 4 de setembro, cómpre entender por montes veciñais en man común “... os terreos radicados na Comunidade Autónoma de Galicia que, con independencia da súa orixe, as súas posibilidades productivas, o seu aproveitamento actual e a súa vocación agraria, pertencen a agrupacións veciñais na súa cualidade de grupos sociais e non como entidades administrativas, e os veñan aproveitando consuetudinariamente en réxime de comunidade, sen asignación de cuotas, os membros daquelas na súa condición de veciños”.

Así, según abondosa xurisprudencia, o feito que xustifica a clasificación ou non como veciñal dun determinado monte, en vía administrativa, é a circunstancia de terse ou non demostrado o aproveitamento veciñal de feito de dito monte por parte dos vecinos; e no presente caso, toda vez que o informe preceptivo realizado polo técnico competente manifesta a realidade de dito aproveitamento veciñal, queda así efectivamente acreditado que ámbolos dous montes cumpren suficientemente o recollido no artigo 1 da Lei 13/1989, do 10 de outubro, de montes veciñais en man común, proponiéndose a súa clasificación con tal carácter.

En consecuencia, vista a Lei galega 13/1989, do 10 de outubro, de montes veciñais en man común, e o seu Regulamento aprobado por Decreto 260/1992, do 4 de setembro, e demais preceptos legais e regulamentarios de xenérica e específica aplicación ó caso examinado, próponse polo Instructor e de maneira unánime o Xurado **ACORDA**:

Clasificar como veciñal en man común a favor dos vecinos da parroquia de Ribadetea do concello de Pontearreas os montes "Barxela" e "Lomba do Cruceiro" por terse demostrado, no curso do expediente, o aproveitamento veciñal de feito en réxime de comunidade sen asignación de cuotas e reunir os requisitos establecidos no artigo 1 da Lei 13/1989, do 10 de outubro, de montes veciñais en man común, correspondéndose coa planimetría elaborada ó efecto polo Servicio de Montes e Industrias Forestais que forma parte inseparable da presente Resolución, e de acordo coa descripción, cabida e lindes sinalada no antecedente de feito quinto.

Contra a presente Resolución que poñe fin á vía administrativa, poderase interpoñer recurso de reposición con carácter potestativo ante o Xurado Provincial de Clasificación de Montes Veciñais en Man Común de Pontevedra no prazo dun mes, ou ben interpoñer directamente recurso contencioso-administrativo ante o Xulgado do Contencioso-Administrativo de Pontevedra no prazo de dous meses contados desde o día seguinte ó da presente notificación, de acordo co disposto nos artigos 109 e 116 da Lei 30/1992, do 26 de novembro, de Réxime Xurídico das Administracións públicas e do Procedemento Administrativo Común, e nos artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.



Teodoro Otero Beres

Boeigacio S. L. L.



